

**PERDICEM THEMATE
PHYSIOLOGICO
PRAESIDE M.
JOHANN CLODIO,
DEGUSTANDUM...**

Johann Clodius, Johann Heinrich
Rebhun



ТН. I.

ΤΗ. II. Derivata heic subnectere non ἀπρὸς διαγνώσιν εἴτι. Α

A 2

974ms

Am. Egypti. id est, nomen dedit avis, id maxime eruens. Hæc ille,
 de Perdicium Plinii & Cornelii Celsi, quomodo ab illo Theophrasti
 ferat, vide apud Aldrovand. l. c. p. 59. b. in fin. quippe qui Plinium,
 omnonyma deceptum, duas herbas diversissimas in unum confudisse
 ait, nimirum Parthenium Dioscoridis & Helxinen s. Parietariam Cor-
 nelii Celsi. Sed hæc ad Botanicos remittimus. A Perdicum venatione
 quoddam Accipitris genus accepit nomen *περδικοθήρας*, Latine per-
 dicarium, quod naturali quodam instinctu hæc alites infestetur.
 Præterea inde est *ἐκπερδικία*, quod Græcis proverbii locum dedit de
 callidâ fugâ. Ut enim sagacissima est Avis: ita Aucupes illam cum
 pullis captantes mirâ calliditate eludit. Illa etenim animadvertens,
 sibi vel pullis insidias parari à quoquam, obviam è nido advolans illicd
 & ad pedes ejus provoluta, deditiōem quasi simulat: cui prædæ dum
 aucups unice intentus inhiat, pedetentim nonnihil ab illo recedit &
 sic aucupem persequentem longius longiusq; à nido revocat, usque
 dum pullis aufugiendi spatium sit (eos namq; si volatui sint, cacca-
 batu suo, ubi paululum à nido digressâ, illicd excitat, sin minus, ut
 interim, dum aucupem dictâ ratione circumvenit, supini se terræ gle-
 ba pedibus apprehensa obtegant, monet: quâ occulandi arte ipsam et
 etiam mater nonnunquam utitur.) Consentit heic Aristot. l. IX. Hist.
 Animal. c. IIX. & alii, quos inferius vide. Inde igitur est, ut *ἐκπερδι-
 κία* itemq; *διεκπερδικία* idem sit quod more Perdicis callidè subter-
 fugere, astutè elabi, periculumq; evitare. Sic apud Aristophanem in
 Avibus, quem vide infra Th. V. Conf. Erasmus in Adag. Chiliad. sub
 Tit. ELABENDI. Porro huc etiam nonnulli referunt PERDICCAM
 Macedonem, Alexâdri M. Comitem, qui in regni etiam partē successit.
 Eò enim alluisse volunt Sophoclem in Comic. al. Ceramic. *ὄντις
 ἤλθ' ἐπ' αὐνυμὸν πέρδικ' ἐν κλειπῆς Ἀθηναίων πάροις.* In celebres A-
 theniensium pagos venit Qui cum Perdice nominis societatem habet.
Πέρδικ' ὀκέλ'. (Perdicis pes) apud Suidam refertur Proverbii loco;
 quod etiam communiter de loripedibus & claudis usurpetur, origine
 petita à caupone illo claudicante Aristophanéo, ejus nominis, non
 tamen incongruens videtur, ad dolosos & vafros accommodare (fun-
 damento à Perdicum astutia desumpto) qui subdole & cautè in rebus
 suis progredientes, modò huc, modò illuc se propriunt & sic vacil-
 latione spectantium spem eludunt. Citatus apud Athenæum Versus
 ἔρχε

ἴγχει πῖν μὲν καὶ τὸ πῖρδι κ. σέλ. in *περδικον* sonum
quadrat, quorum pedes tentat vinum luctator *α. α. α. α.* ut *per* quod
micum est, ubi ita vicit vinum, ut neq; *per* neq; *per* *α. α. α. α.* *α. α. α. α.*
faciat satis, phrasi Terentianā Eun. IV. 5. 13. Namq;

Vindicat ipsa suos, quos pertulit, *α. α. α. α.*, labores

quæ, pede quod premitur, subtrahit ipsa pedem.

Th. III. Apud Ebræos vocatur *קור* à Radice *קור* quod
Vocare vel Clamare notat. Vocandi notio placet Scaligero, *קור*
autem Buxtorffio, quippe qui à Clamore sic denominatum vult PER-
DICEM. Verum si *קור* propriè Clamorem voce significatā,
conceptis & expressis verbis factum importat, adeo quidem ut ab aliis
etiam Clamandi verbis eo ipso differat, quod ait in Lexico sub *קור*,
non video, quèi in clamorem Perdicis inarticulatum quadret. Mallet
igitur præferre Scaligerianam, (cui etiam faver Santes Pagninus, nisi
quod hic rationem sibi ignotam esse dicit) quæ à pullorum vocatione
nomen inditum contendit. Ita enim ille ad Varron. *Ebræis Qvore*,
i. e. κληής quod pullos vocet. Nam *קור* voce semper articu-
larā fieri nego. Alii ajunt, inde nomen habere, quod inter venandum
clamore sodalitum advocet quasi in auxilium. Ceterum an *קור*
etiam *קור*, quod Gallicæ dialecto (cocu) Cuculus est, nover, ut
Raschi vult alicubi, nostri fori non est. Græci porrò (ut est lingua
dicendi copia, vel Cicerone teste, pollens) alio nomine audit quoq;
κακκαζα apud Hesych & aliā terminatione *κακκαβις* apud Alema-
nem, itemq; etiam *κακκαβ*; inde est *κακκαβίζεν* apud Aristot.
l. IV. H. A. c. IX. Latinorumqve Caccabare, sonum Perdicum pro-
prium exprimens, quo de mox vid. Th. IV. Nostri vocant eim *Neb-*
hūn / q. d. eim *Nebenhūn* gallina vitium, à loco quem amat illa Avis,
hinc Gyb. Longolius circa Coloniam Agrippinam in vinetis montanis
versari Perdices dixit, perinde ut Attagen (de quo mox) Germanis
dicitur eim *Naselhūn* / gallina corylorum, quod inter corylos gau-
deat: Quamquam (quod obiter noto) Aldrovando Attagen & Gal-
lina corylorum distingvantur. Cujus commodum hęc mentionem
inijcimus, quia subnectere animus erat aliās Cognatas & Affines Per-
dicibus Aves. puta *Attagenes* & *Tetracas*. *Attagen* Martinio in Lexic.
Philolog. est Avis p̄cto dorso, colorem habens fuscilium sed magis
subrufum. Quæ descriptio est Alexandri Myndii ap. Athen. lib. IX. c. IX.

καταρχαῖα τὰ πρὸ τοῦ νῦν, κερμαῖς τῶν χρόνων, ἱστορικῶν μακρῶν. In deliciis olim fuisse colligitur ex illo Aristophanis in *Eccon*. Ἀστῆρας ἴδενον ἐν ὀρνυκείοις κρέας, *Attagen* suavitissimus in epulis triumphalibus cibus est. Huc facit, quod Hieronymus in *Epistola ad Afell* habet: Tu *Attagenem* ruelas & de comiso accipere gloriari, ego fabam venirem impleo. Inprimis celebres ex eo genere fuerunt Jonici, quod conjicitur ex *Martial*. lib. XIII. *Epigr.* 59.

Inter sapes fertur alitum primus

Jonicarum gustus attagenarum.

Conf. Horat. *Epod.* II. 54. *Terrax* Athenæo I. IX. est avis, quæ magnitudine excedit maximum Gallum, quique ab auribus utrinque *ταύρα* lependentia habeat, ob quæ etiam nomen accepisse putetur. Nostri vocant eam Ur- ober *Uerhahn*. An à senio dicatur *Urhahn* / an à caudâ, quæ Græcis *ἔρα* est, an verò *Uerhahn* ab aurâ, quam facillimè sentiat ob rarissimum corpus, quod conjiciunt nonnulli cum *Christ. Encelio* I. III. de lapid. c. 54. nunc non licet controvertere. Latinis aliàs etiam *Urogallus*, qui describitur à B. *Sperling*. quod sit *Avis nigricans, sylvas montesque inhabitans, ac carnem suavem habens, præterea grati saporis ac non nisi principum ac magnatum mensis nasci* eidem dicitur *Instit.* lib. IIX. c. V. An *Urogallus* & *Tetrix* *Aristotelis* eadem aves sint, excutere jam non vacat. *Tetraon* autem (alii *Tetragon*) *Plinio* descriptus, lib. X. c. 22. cum nostro *Urogallo* utique videtur convenire.

TH. IV. Haec Genus Nomen ex Philologiâ evolvimus. Realis itaque succedit Definitio, vel ut rectius loquar, Descriptio. Ea talis esto: *PERDIX est Avis Caccabans, docilis, callida, libidinosisima, societati amans, plus cursu quam volatu valens*. Notanter dixi Descriptionem. Neque enim est, ut quis à Nobis expectet Differentiam *Perdici* specificam. Quod liberalis *Scaliger* Nominatori formæ lapidis promittit, eodem & nos excidemus dono. *Enim enim nostra repit scientia*, sunt verba *Desideratissimi* B. *SPEARLINGII*, & formarum (specificarum) omnem ferme in modum nescius est animus, sæpèque cum formam invenisse gloriatur, vix misellum est accidens. *Instit.* *Phys.* I. I. c. III. Resolvenda nihilominus est Descriptio. Conceptus Genericus est *AVIS*. Specificus ob latentiam formæ à Propriorum desumitur collectione. Ubi ante omnia monendum, ne disjunctim, sigillatim aut privativè accipiantur,

plantur, sed conjunctim, collectivè & cumulativè. Cautelanti sunt non sine cautione dedit laudatus SPERLINGIUS de Avibus in genere lib. IIX. c. V. ad Præcept. I. occasione Verborum Cardano- Malligii. Desumuntur autem illa Propria primò à Voce. Nam τὸ κακκαβίζειν (pro quo apud Eustathium legitur κικκαβίζειν & apud Coel. R. R. uirgin. l. IX. A. L. c. 10. κικκαβῶν, apud Hesychium etiam κακκαβίζειν) Caccabare proprium Perdicum est, perinde ut Ciconiarum glottitare, anserum gingrite, gallorum cuccurire, corvorum crocire &c. Dicitur Nec soli competit τὸ κακκαβίζειν, nec omni. Probas. Non soli, quia etiam ululis tribuatur apud Aristoph. in Lysistr. Nec omni. Ita enim Athenæus l. IX. Deipnosophist. c. X. ὃ πάντες δ' οἱ πέρδικες, Φησὶ, κακκαβίζουσι. Ibiq; allegat Theophrastum πρὸς ἐπερωφωσίας τῶν ὁμοιωτῶν, Athenis. Perdices. citra Corydalum pagum πρὸς πᾶσαν (oppidum versus) κακκαβίζειν, ultra verò pagum πηλυβίζειν vel πηβίζειν: quod nomen sonum aliquem magis stridulum importat & velut τὸν τρισμαδὸν (namq; & hunc Perdicibus ipse Stagiritra tribuit.) Verum Resp. ad prius: Ab attributione impropria, catachresticà & abusivâ, ad negandam propriam & specificam denominationem N. V. C. Etiam τὸ Ridere Cueulo & Psittaco tribuitur. τὸ γγυ apud Ebræos est Corvorum proprium, (Psalm. XLII 2.) & de brutis tamen in genere legitur (Joël. I. 20.) Ad posterius (α) à potiori fieri denominationem. Titybizen licet ultra Corydalum, reliqui tamen caccabizant. (β) Ab accidentali vocis immutatione & differentiâ ad diversitatem specificâ N. V. C. De Corvo B. Sperling. l. IV. Zool. c. XVI. *Varias edis voces, adeò ut Fulgentius 64 numeros: maximè verò propria & naturalis vox Crocitus est.* (γ) πηλυβίζειν etiam Hirundinum est, teste Varino l. V. de Avib. c. 14. (δ) πηβίζειν autem Aristotelis in genere est stridentium quorumcunque. Id enim infert τρισμαδός. Consule Lexicographos.

§. V. Deinde notatur earum Docilitas. Agnoscit illam ipse Statius lib. II. Sylv. Perdicem Avibus loquela humanæ imitatricibus accensens. Ita enim canit:

--- --- --- Plangat Phœbeius ales
auditasque memor penitus demittere voces
Sturnus & Aonio versæ certamine picæ
quiguo refert jungens iterata vocabula Perdix &c.

Nec

ecce est ut quisquam excipiat, Hirundinem seq. versu & quæ Bistonio queritur soror orba cubili Ferre simul gemicus) iidem annumerari, quæ tamen nescia sit humani sermonis. Nam (α) Progen in Hirundinem transformatam non omnes concedunt. Græcorum nonnulli omnino malunt Lusciniam. (β) Luscinia autem docilitatem quis ignorat? Nonne Drusus & Britannicus Claudii Cæsar. filii Luscinias aluerunt Latino & Græco sermone loquentes? (γ) Nec Hirundines lingua bifida improporcionatas mimeticæ loquutioni arguit. Conf. Aldrovand. l. c. p. 51. ubi mira Docilitatis Perdicum exempla refert ex Nicolao à Nicolais lib. 2. Navig. Orient. c. 8. & Odorico de Foro Julii, quod posterius etiam citatur à Jonstono in Thaumatoget. Class. VI. c. 31. ubi lege & miraberis.

Tit. VI. *Tertio* petitur ab astutiâ, ubi dicitur *Callidæ*. Sanè Perdices egregia & Sagacitatis & Calliditatis specimina præbent, ex quibus prudentiæ illius congenitæ semina luculenter deprehendere licet. Sagacitatis exemplum apparet in Ave hæc, quod matris vocem inter alias omnes agnoscat pullus, adeoq; naturali discernendi quâdam ἀγχιολία polleat, quam etiam in Ovis, simplici animalculo, cernimus. Quin etiam proprios parentes ab hypobolimæis, quorum incubatione exclusi sint, dignoscere norunt, quos ne homo ipse quidem, quem Deus omnium animantium Domihum constituit, si à parentibus in infantiâ deseratur, ab aliis discernere novit. V. Aldrov. l. c. p. 52. Astutiæ specimina deprehendimus tam in feris quàm in cicuribus. Dum enim Aucupes has adhibent ad capiendos Sylvestres, expansis cassibus mansuifectum Perdicem, siue mas fuerit siue femina, illigant, hic caccabatu suo feros ad se vocat, cujus vocem etiam sequuntur tam masculi, quippe cum masculo decertaturi, quàm femellæ, ad exercendam scilicet cum illo Venerem. Ubi jam ferus cum mansueto inter retia luctari conatur, hic quasi timidus fugam simulans, pedem retrahit subinde, ut ferus colluctator, imprudens quasi, magis magisq; irretiatur. Cui capto, dum, qui in insidiis sunt, reliqui succenturiantur, (neque enim lacerant Perdicem herbam porrigere volunt) eodem stragemate decipit illos. Femellæ, quas Venus ed pellit, plagis similes in modum implicantur. Tetigit hoc aucupii genus P. 11. l. X. H. N. c. XXXII. *Capiuntur*, inquit, *pugnacitate libidinis, contra aucupii indicem* (malo cum Turnebo l. XXIV. Advers.

vers. c. XXXIIX. *Illicem legere*) exeunte in pralium Duce totius gregū
Capto, eo, procedit alter, ac subinde singuli. Conf. Athenæus lib. cit
Qvam astusè in aucupes ipsos illudant aliàs feris, superius jam ferè de
dimusi. Liceat tamen id aliis verbis interim repetere ex Athen. l. c. ub
ita: *ἔταν δὲ γνώσῃσι θηρίων, πρὸς τῶν νεοτήτων κυλινδῶνται ὡς
ἡ σκῆλη τὸ θηρίον, ἐλπίδα ἐμποίων τὴ συλῆν φησὶν, ἐξ ἀπλῆς ἢ
δύως αὐτὰ πῶσιν οἱ νεοτῆρι. ἔστι καὶ αὐτὸς ἐξίπνιται.* Quæ ipsa Plinii
verbis potius quàm meis reddam. Ita enim ille l. c. *Si ad nidum u* (au-
cupans) *caeperit accedere, procurrat ad pedes fata, pragnem aut de-*
lumbem sese simulans, subuog, in procurfu aut breui aliquo volatu cadie
fracta aut alà aut pedibus: procurrat iterum jamjam prehensurum effu-
gient, spemq, frustrans, donec in diversum abducatur à nidu. Addit: *Ea-*
dem pavore libem ac materna vacans curâ, in sulco resupina gleba se ter-
ra pedibus apprehensa operit. Hæc ille. Confer egregia apud Plutar-
chum super hæc re in Libro, cui titulum fecit: *πύρα τῶν ζώων φρεσι-*
μώπει, τὰ χειρῶν αἱ θαλάσσια. Factum hinc, ut Cælio Rhodigi-
no sit *πανέργον ὄρεσι πέρδιξ* lib. XXIX. A. L. c. XXVI. Et Athenæo
ῥῶοι κακοῆδες καὶ πανέργον l. c. Conf. Basilius homil. VI. in Hexaëm.
et hom. XII. Exhort. ad Bapt. Quin imò ab Ave ad Homines astutos ac
vafros, proditores & id genus pestes abiit, quod ex Aristophanis Avi-
bus pater. Sic enim ille:

*εἰ δ' ὁ ποῖς πρὸ δ' εἶναι τοῖς αἰτίμοις τὰς πύλας
βύλαται, πέρδιξ ἡμέσῳ τὸ πατρὸς νεοτῆριον
ὡς πατὴρ ἡμῖν ἔδδ' ἀγχεῖν ὅκπερδίκισαι.*

Si Pissæ (filius) prodere infamibus portas velit,
Perdix fiat patris pullus (perinde versutus ac pater)
nam apud nos turpe non est subterfugere (callidè in morem Perdicis.)

TH. VII. *Quarto* à Salacitate describitur. Passeris lascivia etiam
à Poëtis celebratur. Nævolus Draucus in Virronem Cinædum suum
apud juvenalem debacchans, *Passeris* voce illum compellat sat. IX. 54.
Hoc nomine etiam nobilitantur ex Avium genere Galli, Anates, Co-
turnices, Pavones, Gallopavones &c. Quibus omnibus salacitate an-
tecellunt ferè Perdices, si vera sunt illa omnia, quæ traduntur. Namq;
(1.) Perdices feminae, etiam dum incubant, contra aliarum avium mo-
rem, à coitu sibi temperare nequeunt. Et si enim Plutarchus id infi-
ari ausus sit lib. de solert. animal. Aristot. tamen l. IX. H. A. c. 8. Plinius

X. N. H. c. 33. & Athenæus lib IX. Deipn. c. 13. atq; Oppianus id testatur; quin imò posterior hic, Scriptor non contemnendus, nonnunquam eò libidinis progredi ait, ut totam pullitiam negligant, nimirum incubatione derentæ aut educatione pullorū à coitu abstrahantur. De n salacitatem Perdicum colligimus (2.) ex eo quod imaginis in speculo representatæ visu ad libidinem inflammentur. Etenim, pergit apud Athenæum Clearchus: *Φανερώτατον γίνεται πρὸς τῆς ὀφείας, ὅταν ἐξ ἐναντίας αὐτοῖς θῆς κάτοπτρον, πρὸς τὸ εἶχοντες ἡδὺ τῆς ἐμφασσὸς ἀλτίκων* (1) καὶ *πρὸς ἐνὶ αὐτῷ τῷ πρὸς ἑαυτῶν. Manifestissimum id est tempore coitus, (ita enim verto) si ex adverso speculum ponas, siquidem procurrentes ad eam, quam cernunt, imaginem, capiuntur & semen emittunt.* Confirmat rem B. FRANTZIUS in Hist. Anim. Sac. part. II. c. XL ubi ita: *libidinosisima est præ cæteris omnibus (Avis), imprimis masculus, ita ut etiam capiatur in libidine proposito speculo, cum adversus suam speciem visam exardescit.* Quin (3.) vel solo auditu femellæ ad Venerem prostrantur mares. Producam hujus rei testimonium. Clearchus lib. de Panico: *οἱ σφύροι, inquit, οἱ πέρδικας, ἐπὶ καὶ ἀλεκτρυόνες καὶ οἱ ἐρυγες, πρὸς ἐνὶ αὐτῇ τὴν γοῇ, ἡ μόνον ἰδόντες τὸς θηλείας, ἀλλὰ καὶ ἀκούσας αὐτῶν τὴν Φωνήν. Passeres, PERDICES etiam Galli & Coturnices emittunt semen, non solum feminarum contuitu, sed etiam voce earum saltem auditâ: apud Athenæum l. c.*

TH. IX. Num verò sola maris voce auditâ ejusq; compositione, ventro à maribus delato, aut volatu superno, concipere possit femella Perdix, disquirendum est brevissimis, occasione Nonnullorum, quibus affirmativa placet, allegando pro se autoritatem Æliani l. XVII. Hist. c. 15. Plinii l. X. H. N. c. 33. & quem primo loco dictum oportebat, Aristotelis l. V. H. A. c. 5. Præ cæteris hic sudat Niphus, Aldrovando citatus, qui quod allegati Autores spiritus cujusdā fetifici mentionem injiciunt, ex Ephesio illum interpretatur vaporem, qui deferat calorem elevatum à genitali semine maris, quiq; susceptus per meatus Perdicis penetret ad menstrua illius & sic conceptionem fieri ait. Eadem hæc recitat Jonstonus in Thavmatograph. l. c. Verum Negativam merito amplectitur Albertus Magnus. Is non solum negat autoritatem, quod ad illum conceptionis modum, Aristotelis, verum etiam ipsius rei veritatem; quin potius illā tria (ventum à mare, auditum vocis & linguam exsertatū) libidinis ante coitum incentiva adeoq; coitus antecedentia esse vult.

vulc. Provocat simul ad exemplū gallorum & gallinarum, ad
 propriam experientiam in Germaniā circa domesticos Perdices.
 Et ubi Conceptionis fecunditatem ad pullum negaverat, ratio-
 nem illicō subjungit, ad pullum necessariam esse receptionem
 seminis corpoream. Præterea se observasse ait, domesticos Per-
 dices coire more cæterarum Avium, ut sc. semen inferius reci-
 piant & coitus tempore foetent. Insuper, addit, evaporationem
 seminis non habere præfinitum motum in vulvam feminæ, cum
 multiplicetur circulo ab mare Perdice, qui sit veluti centrum
 circularis evaporationis. Etsi autem Albertus heic ἐν παντί no-
 bis non sit ὁ πᾶν, in capite tamen causæ nobiscum consentit.
 Equidem, quod Sagiritam illā de Perdicibus scripsisse negat,
 (citante ita Aldrovando) in eo memoriæ lapsus passus fuisse
 videtur. Licet enim Varro ejusmodi conceptionis autorem Ar-
 chelaum quendam citet l. III de re rusticā c. 2. Interim diversos
 de eādē re idem sentire quid obstat? Unius positio non est al-
 terius exclusio. Provoco ad ipsam Philosophi evolutionem.
 Ita enim ille: οἱ πέρδικες, αἱ καὶ αἰεμον πῶσιν αἱ θήλειαι τῶν ἀρρε-
 νων, ἐγκυοὶ γίνονται, πολλὰκις δὲ καὶ τῆς Φωνῆς, ἐὰν ὀργῶσαι τῷ
 χῶσι, καὶ ὑπερπιτομῶν, ἐκ τῆς κατὰ πνέουσαι τὸν αἶρα. Quæ
 ex vulgari Versione ita sonant: *Perdices, si adverse maribus ste-*
terint, venturaq; inde afflet, ubi mares stant, concipiunt & maritan-
tur. Plerumq; etiam voce marium utero ingravescunt, si gestiunt,
ac libidine surgent. Volatu quoq; supernè marium effici idem pot-
est, videl. dum mas ipse in feminam fatiscum spiritum demittit. l. V.
 H. A. c. V. Sed nec illo Adversarios ad eò stringit quando ad obser-
 vationem suam provocat, quā Perdices domesticos more reliqua-
 rum avium coeuntes advertit. Sic enim saltim ordinariū modū
 conceptionis adstruit, (loquor καὶ ἀνθρώπων) quē nec Adversarii
 negant. Ita nec illud, quod de circulari seminis evaporatione
 urget, excutiam, ut ut non de nihilo esse videatur. Quod
 præterea extertam linguam ad antecedentia coitus saltim refert,
 in eo non omni ex parte dissidet Aristoteles, qui oris hiatū & lin-
 gua porrectionē ad concomitantia coitus saltim refert: χάπαι
 δὲ ἢ inqviens, ἡ θήλεια καὶ ὁ ἀρρεν, καὶ τὴν γλῶτταν ἔξω ἔχουσι περὶ
 τὴν τῆς ὀχίας πίησιν: *Ore biante exsertaq; lingua, & mares & femi-*

να κορυφή. Verum illud de receptione seminis corporali effatum utique meretur calculum nostrum. Quid spiritualis & phantastica receptio ad fetum realem & physicè perfectum producendum? Nego phantasie tales esse vires. Aliud est ἐξοείρωξις, aliud Conceptio. Illam imaginatrici facultati concedo, non hanc. Videbimus tamen quid οἱ ἐξ ἐναντίας ad hoc repellant. Postquam Aldrovandus cum Nipho exposuerat sententiam suam de conceptione fecundā & ad ova & ad pullos (quam posteriorem negaverat Albertus) idq; ex mente Aristotelis, subjiciunt, negaturum esse Aristotelem, ad conceptionem semper requiri receptionem corporalem, quum in solis Perdicibus aliquando præ nimia libidine sufficiat spiritualis generaturæ receptio. Ita illi. Sicuti autem in præsentī de mente Aristotelis non laborabimus, an ille conceptionem ad ova saltē hypenemiam intenderit necne, (ubi prius illud sat apertè asserere videtur l. III. de Generat. Anim. c. 1.) ita nemo non videt, Aristotelem Φίλος ineptè pertere τὸ ἐν δὲ χαλῶ. Perdicum fetūs conceptio spiritualis & phantastica controversatur. Pro nobis militat communis de corporali. Quid ergò contra nos?

TH. IX. Sed & (4.) libidinis indicium est, quod nec aucupum capita libidini intentæ formident. Edisseram iterum verbis Athenæi: ὅτι τοῦτον, αἰτ, ἐπὶ ὄντα πρὸς τὴν ὀρέαν οἱ Πέριους καὶ οἱ ὀρυγες, αἷς εἰς τὰς θηρέωντας ἐμπίπτον, καὶ ζῶντες ὅτι τῶν καράμνων (Aristoteles: καὶ πολλάκις κατὰ ζῶντων ὅτι καὶ Φαλαῖς) id quod Latine dabimus ex Plinio: *Rabie tantâ feruntur, ut in capite aucupantium sæpè cæcæ metu sedeant.* Circa quam versionem noto, Plinium videri deceptum esse Græco πρὸς αὐτὸν apud Arist. & Athenæum adhibito, quippe quod non solum *Trepidare metu*, vi significationis importat, verum etiam *ad Venereum incitari.* Hæc obiter. (5.) Libidinis explendæ causâ ova conculcat mas, incubatū femellæ impediturus. Rem verbis Aristotelis probabo: ὅπως μὴ ἐπαυξήῃ ἡ θήλεια, οἱ ἀρρενες τὰ ὠτά διακυλινδῶσι καὶ συνιζύχουσιν αὐτῶν, l. IX. H. A. c. 8. Quem etiam sequitur Athenæus, dicens: ὅτι δὲ ἀτρεστιαστικὸς (ζῶον), διὸ καὶ τὰ ὠτά τῆς θηλείας συνιζύχει, ἵνα ὑπολαβήσιν αὐτῶν οἰσίνων. Etiam est (animal) *Venerium.* *Incipit* & (mas) *ova femellæ conterit, ut fruatur ejus amoribus.* Hæc ille.

Et

Et hinc est quod femina confraditionem ovorum impeditur
 fecedat & conspectum maris fugiat. Testatur hoc ipse Plin-
 dius, quando ait: *Ille & maritos suos fallunt, quoniam intempe-
 rantiâ libidinis frangunt earum ova, ne incubando detineantur.*
 Addit etiam novum extremæ libidinis exemplum (6.) Tunc
 inter se dimicant mares desiderio seminarum: victum ajunt
 Venerem pati. Id quidem & Coturnices, Trogus & Gallina-
 ceos aliquando: perdices verò à domitis feros & novos aut victos
 iniri promiscuè. Ita etiam Athenæus, allegans Aristotelem,
 qui ita: *ὁ δ' ἡγεθὺς μαχόμενος, ἀκολυθεῖ τῷ νικῶντι. ὡς
 τῆτις ὁ χυνοῖς ἐμὸν.* Auger Ælianus l. III. c. 16. victum Victo-
 ris Venerem seminarum vice tamdiu pati, quousq; & ipse alte-
 rius etiam victor factus flagitiosissimam illam libidinem exer-
 ceat in victum. Factum inde, ut Sodomiticæ aves nonnullis au-
 diant. Sic enim Georgius Pistorius in Pentapoli.

Huc etiam numeranda venit *Sodomitica Perdix*

quæ volucris fertur luxuriosa nimis.

Ed etiam respexisse videtur Baptista Fiera turpe. *salacem Per-
 dixerem* vocans. Ut adeò, quod obiter noto, simul corrump opinio
 Phocylidæ & Grylli Sophistæ apud Plutarchum, qui in brutis Venerem
 masculam negarunt reperiri. Taceo Ælianus de Ichneumo-
 ne, Aldrovandum de Gallis & Columbibus idem adferentes. (7.)
 Cui addi possunt exempla tum incestus, quod vel pullos suos,
 simulat exclusi sunt, subagitant; tum promiscuæ cum aliis diver-
 si generis avibus libidinis. Videatur sæpius laudatus Bononienfis
 loc. cit. pag. 54. Namque ipsimet talia de brutis allegare ulte-
 rius exhorrescimus & erubescimus, quippe ἀπαξία satis
 pudenda est, quibusdam etiam brutis aliâs execrabilis.
 Patet hinc, Plinium non injuriâ scripsisse: *Non esse in alio A-
 nimali par opus libidinis* l. c. & quod Athenæus habet: *Τὸ δὲ
 ζῷον ὑπὸ λαγρείας συμβολικῶς παρέρχεται, Animal hoc sym-
 bolo quodam est indicium salacitatis.* Unde non est mirum,
 Cleombrotum à Phrynico in Tragœd. *Perdix filium* vocatum,
 qui hoc symbolo ejus libidinem notavit, judice H. Casaubono
 ad Athen. l. c. Pierius Valer. lib. 2. Hierogl. nihil ad enervan-

*tiſſimam libidinem & impudentiſſimam ſalacitatem exprimendam
Perdice commodius eſſe inquit.*

S. X. *Quincò* à Sociabilitate. De homine vulgò notum eſt, quod τῇ φύσιν ſit ζῶον πολιτικόν, animal ſocietatis amans. Quod intendit etiam Etymologia Scaligeriana, quā homo ab ὁμῶς (ſimul) deducitur, quod is ſolus vivere nolit, ſed velit cum aliis ex inſtinctu quodam naturali negotiari & converſari. Faceret huc apprimè nomenclatura Hominis Arabica, juxta quam, ubi in Ebraiſmo ab ægritudine & infirmitatibus, à ſocietate & familiaritate denominatur. Sed iſthæc ad Philologos remittimus. Naturalis ille inſtinctus etiam inter bruta quibusdam inſitus eſt. Licet enim Aquilæ, Vultures & Accipitres ſint ſolivagi, Anſeres tamen, Gallinæ & Anates ſocietatem amant. Quis neſcit à gruibus homines congruere? hi enim ſive volitent, ſive paſcantur, ſe non ſeparant, ſed conjungunt, ordinem etiam inter volandum obſervantes. His etiam ad ſociamus PERDICES. Namque & hæ gregatim volant, hyberno præſertim tempore, verno enim cum proli ſtudent, binas tantum volare ajunt, qui earum naturam perſpectam habent. Hinc Venatores vel Aucupes totos Gregeſ (ganße Böſcher) Perdicum in ore habent. Et hoc eſt, quod ſibi vult in Deſcriptione τῆς ſocietatis amans. Sextò denique à motu. Volatus (ſolus) Aves non facit: alias & muſca & ſcarabæus & apes eſſent aves. Rectè Scaliger: *neg, volatus* (præſcribit Avem) *quippe etiam Piſces volant.* Exercit. CCLVII. Sed tamen nec Avibus eſt derogandum. Magis & minus non variant ſpeciem. Et vultur volatu gaudet, licet non æque ſublimi ac Aquila aut Ardea. Pelecanus volat, etiamſi Accipitrem non æquet. Sic nec in qualitate conveniunt volatus. Vultur certè non æquis paſſibus inſequetur Accipitrem, nec Gallus aut Anas pernecitate Columbas adæqvabunt. Motûs tarditate & celeritate differunt. Teſtatur de hoc Perdicum humili circa terram volatu Metamorphoſeων Scriptor, ubi Talum ſ. Perdicem in avem tranſmutatum inducit lib. VIII.

aven,

reddidit, & medio velavit in aëre pennis.

Sed

Sed vigor ingenii quondam velocis in alas
inque pedes abiit, nomen, quod & ante, remanet,
Non tamen hæc aliter volucris sua corpora tollit,
nec facit in ramis altoque cacumine nidos,
propter humum volitat, ponitque in sepibus ova.

Confirmat i. lorum volatus raritatem & brevitatem Athenæus
l. c. ex Xenoph. l. 1. Ἀναβάς. κυρ. πύονται ἐπὶ βραχὺ, *parum
volant.* Diximus ergo plus cursu eas valere quam volatu. Et
sic etiam explicandus est Plinius, qui lib. X. c. 38. Perdices cum
Rusticulis currere dixit; συγκατακῶς sc. & κατὰ τὴν, quod cursu
plus polleant quam volatu: quavis (quod addo) si semel ad volatū
se composuerint, humilitatem velocitate compensent, est enim
ille nimis satis impetuosis. Quod autem Perdix plus delectetur
cursu quam volatu, inde fit, quod cum ansere eadem ferè laboret
difficultate. Minus valet pennis, multumque carnis habet, *quæ
est causa*, sunt verba B. Franzii l. c. *quod non possit in sublimia
evolare & sicut anser nunquam consistat super arbore, sed tan-
tūm circa terram potius videatur currere quam volare.*
Quod facit quod Aristoteles inter βαρύν τὴν ὀρῖσιν eas
refert l. d. H. A. Dicis: Nasonem l. c. Met. Perdicem super arbo-
re confidentem induxisse, ubi ait: *ramosa prospexit ab ilice
Perdix.* Resp. ab inductione Mythologicā ad proprietatem
Physiologicam N. V. C. In aerem elevat Perdicem Ovidius,
quod è terrā casum Icarī longè prospicere alioquin non valuisset.
Circā volatum Boeotiorum mirum quid annotavit Solinus, (nisi
nobis fabulam obtrudat pro vero) præscriptas illos metas in
aëre habere, quas præterire non audeant. Ita enim ille: *Per-
dices cum ubiq; libera sint, ut aves universæ, in Boeotia non sunt;
nec cum volant, sui sunt juris, sed in ipso aëre, quas transire non
audent, metas habent. Inde ultra notat s. jam terminos nunquam
exeunt nec in Atticū solum transmeant. Hoc Boeotiis proprium.*
cap. 12 Polyhist. Eritian Plinio debet hæc Solinus, ut alia plu-
ra. Namque & ille l. X. cap. 29. negat, Perdices transvolare
fines Boeotiæ in Atticam. (Ita enim legendum esse pro vulga-
ri in Atticā, ex Athenæo l. c. discimus). Ex quo Pliniano loco
Joh.

Joh. Ravisius Textor cum aliis scripserunt, illud avium genus in totâ exulare Bœotiâ. Num inde Perdicum defectus universa-
lis in Bœotiâ sequatur, alii judicent.

TH. XI. Efflent adhuc nonnulla, quæ, methodum Zoologiæ
SPERLINGIANÆ secuti, in medium afferre possemus de Nido,
Incubatione, Exclusione, Educatione, Nutritione, Ætate, Ca-
pturâ, usu carnis in cibo & medicinâ &c. Verum ista omnia
prolixè persequi spatii angustia vetat. Intantum Lectorem *Φι-
λομαθῆ* & curiosum remittimus ad sâpius allegatum Italum,
qui hæc omnia pro more i.e. prolixè expedit. Nobis enim
omnia ex Ornithologis huc transcribere nec vacat nec animus
est,

TANTUM!

Ad Prestantiss.

DN. RESPONDENTEM

Concivem suum amicissimum.

A Viarium prægrande Macrocosmus est.
Delectat alitum genus mirificè
Oculos & aures, nec minus & hominis gulam.
Vario colorum recreat spectamine
Oculos; suâvi recreat melismate
Aures; salubri recreatq; edulio
Gulam. Sed hæc Apitium permulceant:
Tibi, grata mentis ingeniq; pabula,
Concivis astumate, sunt. Ostendit hoc
Meletema præsens, alitem Cognominem.
Dum ventilas. Ego ausibus congratulor.
Nunc amplius repande Naturæ abdita.
Haut pœnitebit hic labos, quem suscipis,
Sed alitum modo super micantia
Fereris astra Nominis famâ tui.
Sic comprecor. Jehova Votis annuat.



PRÆSES.